



فونولوجان
أنا و الحياة

أعاني
سليمان

إعداد

مجموعة مونولوجات

أنا و الحياة

إعداد

أمانى سليمان

١ - خشخشة الكيس

٢ - المرأة الصامتة

٣ - باب الريح

٤ - حافية بين الناس

٥ - الحصان الميت

إعداد
أعاني سليمان


رونالوج
خشخشة اللسان

مونولوج


خشخشة الكيس

إعداد

أمانى سليمان



تخيل أنو في هوا عم يحرك كيس بلاستك
 و في طفل صغير عم يسمع هالصوت و مركز معاو
 بلش يتخييل أنو هالصوت من الريح
 و انو بلشت العاصفة و عم تقوى
 هلا رح تقلع البيت من جذوره
 و بلش يخبي وجهه بأيديه
 و كانو حانت اللحظة الي رح ينتهي فيها كلشي
 بس بالحقيقة مافي شي
 القصة و مافيها أنو الهوا حرك الكيس بس
 لأن الطفل بالأساس خايف من كلشي
 بلش يتخييل و يكبر القصص لحد ما وصل للنهاية
 و هو مكانو لا في بداية و لا في نهاية



الوهم يعمل فينا العمايل قادر يتسلل لعقولنا

لحظة ضعف ... لحظة يأس ... لحظة احباط ... لحظة فراغ

لكن كفيلة لحظة ادراك تنهي كل هالمعانا

أكثر صوت بسيط هيأك ساذج

قادر يخلي الواحد ينفجر مثل صوت خشخة الكيس

الغريب مو الكيس نفسو الي يزعجك

الي يزعجك هو أنو ما عاد فيك تتحمل أي شي


يمكن لأن كل يوم في شيب يهزك

و كل يوم تخيل أنك ثابت

و كل يوم عم تقول بسيطة ... بسيطة

لكن بالحقيقة بسيطة فوق بسيطة تجمع

لتفجر فيك من خلال شي بسيط مثل هالخشخة الصغيرة



و تذكرك انو مافي شي بسيط خاصة اذا تراكم فوق قلبك

بنكون شايلين ألف شغة جواتنا

زعل خوف صبر

و أحياناً وجع مو نعرف أين نخبيو

أول ما يتحرك الكيس من نسمة هو صغيرة

تتحرك كل الاشياء الي خبيناها سنين

و المضحك انو الكيس مافيه وزن


بس قادر يثقل الروح إذا صار موقف بسيط بوقت غلط

اليوم سمعت خشخشة كيس و انزعجت

مو من الصوت من حالي

أني وصلت لمرحلة قلبي صار حاس زيادة عن اللزوم

لدرجة انو صوت كيس بلاستك قادر يعكر مزاجي



مو لأنو أنا ضعيف

بس تعبت من المشاعر الي عم تستهلكني

بدون اذني بدون علمي

اذا شي يوم شفتوني ماسك كيس و عم اسمع خشخشو

لا تخافو هالمرة ما عاد يزعجي

هالمرة عم يذكرني

أنو ابسط الاصوات او المواقف

ممك تعلمك أهم الدروس بحياتك

مُونولوج المَرْأَةُ الصَّاغِرَةُ



إعداد

أعاني سليمان

المرأة الصامتة

أمانى سليمان

مونولوج

المرأة الصامتة

إعداد

أمانى سليمان

في شيء كلتنا نخاف نطلع فيو

مو لأنو مرعب لأنو

بس لأنو صريح زيادة عن اللزوم

هو المراية

الغريب بالمرایة أنو هي مو تعطي رأي و مو تعاتب

كمان مو تتجنب المواجهة

لما توقف قدامها تقولك هاد انت

بدون مونتاج بدون بطولة بدون تحسين صورة

يعني ليش نغضب و نزعل

لما الناس يعاملونا بطريقة مو نحبها

يمكن هن بس عم يكونوا مراية

بالفترة الماضية كنتو ألم الدنيا

و الله في عالم مو تفهم الناس صاروا قاسيين

كلشي ضدي كل خطوة فيها عرقلة

بس بيوم بدون سبب وقفتو قدام المراية

طولتو النظر مو ع شكلي

ع الوجع الي بعيوني ع التردد الي بشفايفي

ع التعب الي لاصق فيني متل ظلي

استو عبت شي بسيط بس ثقيل

أנו الي كنت أشوفو بالناس كان مرسوم فيني

أنا الي كنت موجوعة فكنت أشوف العالم مؤذية

أنا الي كنت مترددة فكنت أشوف الفرص بعيدة

أنا الي كنت مشوشة فكنت أشوف العالم فوضى

المراية مو تغير صورتك أنت الي تغير فهمك

و من يومها صرت أسائل حالي

قبل ما أزعل من كلمة أو نظرة أو من تصرف

يا ترى هل هذا انعكاسهم و لا انعكاسي

لما فهمت هالقانون ارتحت مو لأن العالم تغير


لأن أنا بطلت أدور ع صورتي في وجوه الآخرين

الشيالي أشوفواليوم بسيطالعالم مو مرائي

و المراية مو عدوبي

المراية هي الحقيقة الوحيدة

و كلشي حواليها بس انعكاس



عونو لوچ باب الریح

إعداد
أعاني سليمان

باب الريح

أمانى سليمان

مونولوج

باب الريح

إعداد

أمانى سليمان



(إضاءة خفيفة ، باب نصف مفتوح ، الريح تحرك الستارة ،

الشخصية واقفة تتأمل)

هون قدامي باب

مو أى باب باب الريح

(تلمس الحافة الخشبية برفق)

الناس يقولو الباب ينكسر من الريح و كنت أصدقهم

كنت أخاف من كل هبة من كل نسمة تمر من خلالي

أحس أنس أى خطوة ممكן توقيعني

(تراجع خطوة للخلف ، تنظر للأفق)

كم مرة وقفتو قدام أبواب

أبواب كبيرة أبواب صغيرة

أبواب حياتي أبواب الناس

كنت أنتظر الريح تكسرهم

كنت ألم الظروف ألم العالم ألم نفسي و كل شيء

بس الباب كان صامد مو لأنو قوي

لأن ما كان نصف مفتوح

(تقترب من الباب ، تفتحه أكثر قليلاً)

اليوم فهمت الحقيقة الباب ما ينكسر من الريح

الباب ينكسر لما يكون نصف مفتوح

نصف معلق بين الماضي و المستقبل

بين الأمل و الخوف

(تضع يدها على القلب)

كم باب نصفه مفتوح في حياتنا ؟

كم وعد نصفه مكتمل ؟

كم حلم نصفه معلق ؟

نصفنا بترك العالم يقرر عنا هذا النصف ينهاز بين الأيدي

(تتنفس بعمق ، ترفع وجهها للضوء)

اليوم أنا أقف أمام باب الريح

و النسمة تمر تتحرك تمسح الخوف ... تعطي وعي

أستطيع أن أفتح الباب أكمله

لا أحد يفعل هذا بداعي لا الريح لا الزمان لا أحد

(تتقدم خطوة للأمام ، تفتح الباب برفق)

كلنا أبواب نصف مفتوحة ... نخاف نتردد

ترك حكايات معلقة

شعر أن شيء ما يكسرنا و ٠٠٠٠ الحقيقة ؟

النصف المفتوح هو الذي يكسرنا مو الريح



(تبتسم ابتسامة حنونة و هادئة)

أنا اليوم أقف أمام باب الريح

نصفه مكتمل ٠٠٠٠ نصفه صامد

و أنا التي تحمل المفاتيح

أنا الي أقرر متى يفتح

و متى يغلق

و متى يظل صامد

(توقف دقيقة تنظر للضوء ، الريح تحرك الستارة بهدوء ،

صوت صمت عميق ، ثم خطوة ثابتة للأمام)

و هكذا نعيش ٠٠٠ نقوى

نصنع أبوابنا بأنفسنا

و نسمح للريح أن تعلمها فقط ٠٠٠٠٠ لا تكسرنا



A woman with long brown hair, wearing a red, draped, sleeveless dress, walks towards the camera in a colonnade with large, light-colored pillars. She is barefoot and smiling. The background is slightly blurred.

عونو لوچ
حافیه بین الناس
إعداد
أهانی سلیمان

مونولوج

حافية بين الناس

إعداد

أمانى سليمان



(إضاءة خفيفة ، شخصية تقف وحدها ، مaskaة حداء قديم)

من وقت ما كنت صغيرة كان في ناس يقيسوا مقاسي

مو مقاس رجلي لا لا لا

مقاس صوتي مقاس ضحكتي حزني ...

وَ كُمْ كَلْمَةً مَسْمُوحَ أَلِيْ أَقُولُهَا

١٢) (تنظر للحذاء)

قالولي البنات لازم تمشي بنعومة

و لازم تکبر بشویة خوف

و تحلُّمُ عَلَيْهِ الْخَفَيْفُ

لبوسي أول كعب ... كنت صغيرة ...

بس حسیت رجلي عم ترجمف

مو من العلو من المسؤولية

الواضح أنو لازم أكون أعلى بلا ما أكون أنا

(خطوة صغيرة للأمام)

من وقتها مشيت مشيت على أصوات غيري

على رضاهم ... على هالطريق أحسنناك ... و هيئ المفروض

حتى أني صرت أعرف صوت الناس أكثر ما أعرف صوتي

و بين خطوة و خطوة أكتشف

أنو الطريق الي اختارولي ياه

ما كان أوسع من قلبي و لا أرحم من روحي

كان مثل الحذاء هاد (ترفعه)

شكله أنيق بس يوجع

(تبتسم ابتسامة فيها و جع و فخر بذات الوقت)

وعدوني وعدوني أكون وعدوني أوصل

وعدونى أفرح

بس كنت عم أحقق أحلامهم هن مو حلمي

(تتنفس بعمق ، و ترمي الحذاء على الأرض)

لهيأ اليوم بدبي أمشي حافية

أي حافية بلا أصوات فاضية

بلا خطوات بتشبهني بحذا تاني

الحافية مو يعني ضعيفة

الحافية يعني صادقة

(تضع يدها على صدرها)

بدبي أسمع صوتي مو صوت الكعب

بدبي أسمع قلبي مو تصفيق الناس

بدبي أختار الطريق ما حدا يفرضوا علي

(تنظر بعيداً لأن الطريق أمامها)

و إذا قابلني الوجع عادي ما راح أخاف

لأن الوجع الي تختاريه بأيدك

أخف ألف مرة كم الوجع الي يفرضوه عليكي

(تتقدم خطوة ثابتة ، بثقة قوية)

لھون و بس

خلوني أمشي حافية

أروح لمکانی أنا



مونولوج الحصان الميت

إعداد

أعاني سليمان



الحصان الميت

أمانى سليمان

مونولوج

الحصان الميت

إعداد

أمانى سليمان



طلبت سنين أركض

أو يمكن أتوهم أني عم أركض

الحصان تحتي ما كان يتحرك كان ميت

بس أنا كنت رافضة أشوف الحقيقة

كانوا يقولولي اصبري يمكن يرجع ينهض

يمكن الحياة ترجع تمشي و كنت أصدق

مو لأنو عندي أمل

لكن خوفي من النزول كان أكبر من شجاعتي ع المواجهة

تعرف شو يعني تركب حصان ميت ؟

يعني تبقى واقف مكانك و تسمى الجمود صبر

و تسمى الخيبات قدر و تسمى التعب محبة

كنت أخاف أنزل أخاف من الأرض ...

من الخطوة الاولى من الحقيقة الى مو ترحم

كنت اقول يمكن المشكلة فيني

يمكن أنا الى ما عم أعرف أحرك الحصان

بس الحقيقة كانت أوضح من الشمس

الحصان مات و الرحلة ماتت معا

المؤلم مو الموت المؤلم أنك تصير أنت الميت الثاني

و أنت لسا تتنفس و تحاول تقنع نفسك أنك عايش

اليوم وقفت نزلت شميـت تراب الأرض

اكتشفت أنو النزول مو سقوط

هو بداية طريق

أنا ما نزلت من ع الحصان الميت

أنا نزلت من فوق الوهم الكبير

و تركت جثة الوهم ورا ضهري

يمكن الطريق طويل يمكن اتعب يمكن أضيع

بس ع الأقل عم أمشي على أجري

مو فوق موت كنت أحاول أحبيه

و بلحظة ادركت أنني ما كنت راكب حصان ميت

إلا حتى أهرب من شيء اسمه الفشل



الفشل كان الكلمة الي أكرهها

اسمعها و أحس أنها الحجر الي عم يهدم جدار روحي

كنت أخاف الناس تقول

خسرت ما قدرت ما نجحت

من الخوف كنت أفضل أظل فوق الجثة

على أني انزل و اعترف

أنو الشيء الي كنت أراهن عليه ما عاد فيه حياة

بس ليش الخوف ؟

ليش الفشل يصير وحش ؟

العلة فينا نحن الي نكبر هالوحش



ما حدا مات من الفشل

الناس تموت من الاصرار تعيش كذبة

الفشل مو النهاية هو الضوء الي ينكشف

لما ينهار سقف ما كان لازم نسكن تحتو اصلاً

الفشل مو النهاية هو الطريق الي ما نكمل فيه

لأن في طريق ثانى ناطرنا

بس نحن كنا مشغولين بمحاولة ارجاع النبض لجثة

أدركت أنو الفشل الحقيقي مو أنك تخسر شي

الفشل الحقيقي أنك تضيع عمرك و تخسر حالك

تصر أنك تبقى بمكان ما فيه

لا حياة لا أمل و لا خطوة لقادم

لما نزلت من ع الحصان الميت ما حسيت أني فشلت

حسيت أني أخيراً انتصرت

انتصرت على خوفي على تعليقى على الناس الي

كانو مو يحبو يشوفوني واقفة على أرض جديدة

أنا اليوم مو ناجحة و لا فاشلة

أنا بس حقيقة

مجردة من الأوهام الي كانت ت Kelvinي بالخوف

الكاتبة أمانى سليمان

الحسكة

سوريا محافظة



مدينة القامشلي

١٩٨٨/٨/٢

مواليد

درست في كلية العلوم قسم كيمياء

أول مؤلفاتها كتاب خواطر بعنوان همسات النسمات

الثاني كتاب خواطر بعنوان صدى الأفكار

الثالث رواية بعنوان يُضمدُها الأمل

الرابع كتاب خواطر بعنوان عندما تتحدث الروح

الخامس رواية بعنوان أرواح تأرجح على كفوف السحر

السادس كتاب خواطر بعنوان يا حزني السعيد

السابع رواية بعنوان قبل أن يراها

الثامن قصة بعنوان و كانت الصدمة

التاسع رواية بعنوان ترتيب القدر

العاشر مسرحية بعنوان النبوءة

الحادي عشر كتاب خواطر بعنوان كلانا يبحث عنِي

الثاني عشر رواية بعنوان حين تكلم الموت

الثالث عشر رواية بعنوان نالت مرادها

الرابع عشر رواية بعنوان سلام فوق رماد الماضي

الخامس عشر خواطر بعنوان أنا امرأة لا يعبرها الزمن

السادس عشر خواطر بعنوان على مائدة الوجدان

السابع عشر سكتشات مسرحية بعنوان من رحم المعاناة

الثامن عشر مونولوجات مسرحية بعنوان

القوة تتبّع من الداخل

التاسع عشر مونولوجات مسرحية بعنوان أنا و الحياة